


玄覽堂叢書

第六十六冊



081
58758



文
明
書
局
印
行
第
一
次
印
行

舊京詞林志卷二

紀事下

丑辛永樂十九年五月

上命考校翰林院習譯官生授中式庶吉士陳善等
官有差發不中式庶吉士高舉劉源王璉萬碩
黃澍楊鼎李學吳得全朱子福王振蔣謙於本

院習譯止給半俸

王璉以下九人皆是科習譯庶吉士是科凡庶吉士十五

人中式韋招授檢討衛恕陳融
溫良姚本張恕皆中書舍人

○七月改本院

修撰苗衷編修王鈺於北京翰林院

卯癸永樂二十一年十二月本院修撰張伯穎卒

甲辰永樂二十二年三月命習譯庶吉士何志金皓葛

陵楊欽李素劉俊徐賢薛理於本院習譯是科庶吉

士尚有蔡英李芳在北院習譯○九月本院侍講陳全以憂去

編修李貞署院事○十月命本院習譯庶吉士

送吏部別用舉人監生俱送監讀書○十一月

本院編修李貞朝賀正旦如京師以

上初登極也

乙巳洪熙元年三月本院編修李貞給由如京師檢討

陳用署院事○四月復以本院為翰林院頒舊

印仍稱北京翰林院為行在

申戊宣德三年正月陞陳用爲本院修撰仍署院事

子壬宣德七年六月頒 御製翰林院官箴箴曰廷有

司言自周則然後世襲用愈密而重策命所出
講學所資機務之嚴于度于咨代有賢哲博聞
明識克勵翼之用光厥職咨爾儒臣朝夕左右
必端乃志必慎乃守啓沃之言惟義與仁堯舜
之道鄒孟以陳詞尚典實浮薄是戒謀議所屬
出毖于外心存大公罔役于私昔人四禁汝惟
勵之獻納論思以匡以益以匹前休欽哉無斁

午戊正統三年八月陞陳用爲本院侍講仍署院事

辛酉 正統六年八月命本院侍講陳用爲應天鄉試主

考官○九月陳用復命如京師○十一月復以

本院爲南京翰林院命禮部重造新印頒之

癸亥 正統八年正月本院侍講陳用以憂去尋卒

丙寅 正統十一年十二月以周敘爲本院侍講學士掌

院事

庚午 景泰元年六月陞本院孔目王資爲檢討仍管孔

目事

壬申 景泰三年三月本院侍講學士周敘卒賜祭葬○

七月以邢寬爲本院侍講學士掌院事

甲戌景泰五年六月本院侍講學士邢寬卒○十月以

檢討王積署院事積以儒士積官學職加翰林

院檢討管南京國子監監丞事至是命為本院

檢討署掌院務解監職蓋殊擢云南雍志稱積給由赴京乃

有是命今考積以是月署印支俸以次年二月給由○按積為吏部尚書直之子直方掌銓而

積以越格被擢人頗訝之見南雍志

戊寅天順二年閏二月本院檢討王積以憂去○五月

以周洪謨為本院侍讀署院事

甲申天順八年二月召本院侍讀周洪謨還京纂修實

錄

舊京言林志 卷二
乙酉 成化元年二月以王僎爲本院學士

丙戌 成化二年六月改翰林院學士倪謙於本院未任

遷南京禮部侍郎

戊子 成化四年二月本院學士王僎以憂去○六月以

羅倫爲本院修撰倫爲修撰時以言事謫泉州
市舶司提舉至是召至京復其官改任本院○

九月以陳秉中爲本院侍講署院事

己丑 成化五年九月本院修撰羅倫致仕倫初涖任兩

月卽乞歸不許至是再請許之

壬辰 成化八年八月侍講陳秉中以憂去

癸巳成化九年九月起原任翰林院侍讀學士錢溥爲
本院侍讀學士掌院事

丙申成化十二年十一月陞本院侍讀學士錢溥爲南
京吏部左侍郎○十二月以徐瓊爲本院侍讀
學士掌院事

庚子成化十六年九月以方謨爲本院檢討

丁未成化二十三年正月本院侍讀學士徐瓊九載考

滿陞爲南京太常寺卿管南京國子監祭酒事

○以吳希賢爲本院侍讀學士掌院事○以曾

彥楊守陟爲本院侍讀彥等以九載考滿故有

是遷

戊申弘治元年二月召本院侍讀曾彥楊守陟還京纂

修實錄

己酉弘治二年六月本院侍讀學士吳希賢卒○十月

命南京太常寺少卿陳音暫署本院事時內閣
言南院掌印員缺例以翰林院官推補第今纂
修事繁無可行者陳音出自翰林堪以署管從
之故有是命

庚戌弘治三年十一月本院檢討方謨九年考滿命加
俸二級仍原職管孔目事時孔目久缺故也

辛亥弘治四年八月以張元禎爲本院侍講學士掌院

事

癸丑弘治六年十月本院侍講學士張元禎乞致仕許之○以曾彥爲本院侍讀學士掌院事

丁巳弘治十年六月本院侍讀學士曾彥給由如京師尋乞致仕許之○十月以馬廷用爲本院侍讀學士掌院事

壬戌弘治十五年四月陞本院侍讀學士馬廷用爲南京禮部侍郎○以吳儼爲本院侍讀學士掌院

事

丙寅 正德元年二月召本院侍讀學士吳儼還京纂修

實錄○八月改吳儼為翰林院侍讀學士時內

閣言儼係南京衙門職銜俸薪支給不便乞改

為北院侍讀學士從之故有是命○九月以石

珪為本院侍讀學士掌院事

巳 正德四年六月陞本院侍讀學士石珪為南京國

子監祭酒○七月以右春坊右諭德豐熙署掌

本院事時本院掌印員缺吏部請行翰林院照

例推舉一員以往大學士李東陽等言兩京翰

林掌印官員雖例於本院自行推舉但南京本

院止設一員須量陞堂上職銜乞敕吏部從公
推舉二員上請簡命於體爲當從之吏部乃舉
熙及侍讀朱希周二入俱堪任南京侍讀學士
上曰豐熙着南京翰林院署印管事時熙未奉侍讀
學士之命故以原官來春坊之署南院自此始

按熙以諭德署院蓋
劉瑾實爲之非制也

癸酉 正德八年五月右諭德豐熙給由如京師初熙以
去歲六月考滿因盜賊爲梗奉例止不行至是
乃行尋以憂去

甲戌 正德九年三月以陳霽爲本院侍讀學士掌院事

卷二
○九月本院侍讀學士陳霽以憂去○十一月
以賈詠爲本院侍讀學士掌院事

丙子正德十一年十月陞本院侍讀學士賈詠爲南京
國子監祭酒○以黃瀾爲本院侍講學士掌院
事

庚辰正德十五年二月本院侍講學士黃瀾三年考滿
例當給由如京師以車駕駐蹕南京奉例止
不行至閏八月乃行

辛巳正德十六年六月本院侍講學士黃瀾致仕○九
月以嚴嵩爲本院侍讀署院事

甲申嘉靖三年十月本院侍讀嚴高給由如京師尋陞
國子監祭酒

乙酉嘉靖四年五月以郭維藩爲本院侍講學士掌院
事

丁亥嘉靖六年二月本院侍讀學士郭維藩以憂去○
五月以吳惠爲本院侍讀學士掌院事

己丑嘉靖八年四月召本院侍讀學士吳惠還京纂修
大明會典○以南京尚寶司卿費家爲右春坊
右庶子兼翰林院侍講署掌本院事時左庶子
盛端明進講經筵詞氣迫促

上令吏部別用會本院員缺內閣乃以案及端明並推皆擬左庶子兼侍讀署院事

上命用案而改端明為南京尚寶卿春坊之再署本院以此

^{癸巳}嘉靖十二年八月陞右庶子費案為南京通政司右通政

^{甲午}嘉靖十三年三月以王教為右春坊右諭德兼翰林院侍讀署掌本院事

^{丙申}嘉靖十五年十二月右諭德王教奉箋如京師賀皇第二子生也

丁酉嘉靖十六年六月陞右諭德王教爲國子監祭酒
○以諭德張袞爲翰林院侍讀學士加四品服
署掌本院事未任以憂去○九月以孫承恩爲
翰林院侍讀學士署掌本院事

己亥嘉靖十八年二月冊立東宮賜侍讀學士孫承恩
彩幣一表裏○三月設東宮官陞侍讀學士孫
承恩爲少詹事兼侍讀學士還京

庚子嘉靖十九年三月以洗馬鄒守益爲太常寺少卿
兼翰林院侍讀學士署掌本院事御史毛愷奏
守益宿學有重名宜留侍青宮不當置之閑散